



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXI. Explicantur conditiones, quas Lutherani requirunt in Concilio
celebrando.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

Denique, ut ibidem Theodoreetus refert, etiam si Imperator de potentia, ut diximus, non de iustitia, Flauianum Episcopum esse volebat, tamen nunquam finita est causa illa, neque Episcopi Occidentis, & Aegypti Flauiano communicare voluerunt, donec Euagrio iam mortuo Pontifex Romanus Flauiano delictum condonavit, & Legatos eius se admissurum promisit, & ipse Episcopos illustrissimos, & Presbyteros ac Diaconos Antiochenos, Legatos Romam misit.

Habemus ergo quid requiratur ad legitimū Concilium. Nunc breuiter appendicis loco annetemus, quale Concilium requirant Protestantes in eo libro, quem inscribunt
Causa cur Electores, Principes, alijq; addicti Confessio Augstanæ ad Concilium Tridentinum non accedant.

CAPVT XXI.

Refutantur conditiones, quas Lutherani requirunt in Concilio celebrando.

LUTHERANI, qui se Protestantes vocant, octo conditiones proponunt Concilij celebrandi, quibus quoniā satis plenè differuit Gaspar Viſalpandæus, nos eas breuissimè refellemus.

PRIMO ergo requirunt, ut antequam fiat Synodus, irritentur omnia acta Concilij Tridentini. SECUNDО, ut Concilium fiat in Germania; est enim canon Ecclesiasticus apud Cyprianum libro 1. epist. 3. ut illic lites iudicentur, ubi exorti sunt. TERTIO, ut Pontifex Romanus non indicat Conciliū, nec ei præsit, sed sit altera pars litigantium, quandoquidem ipse est qui accusatur, & nemo debet simul esse iudex, & pars. QUARTO, ut ex sola Scriptura diuina sententiæ ferantur, non ex traditionibus, vel canonibus. QUINTO, ut decisio non fiat penes suffragiorum pluralitatem, sed vt iuxta normam verbi divini pronuncietur. SIXTO, ut Romanus Pontifex absoluat omnes Prælatos à iuramento fidelitatis, quo ei obstricti sunt. SEPTIMO, ut Theologi principum ac statuum Confessionis Augstanæ, nō minus, quam Episcopi in Concilio sententias, ac voces decisiuas proferre permittantur. OCTAVO, ut detur saluus cōductus ab Imperatore, non solum

solum personis, sed etiam ipsi causae principali, id est, ut nec personae possint puniri si nolint Concilio assentiri, nec fides, & Confessio Lutheranorum possit damnari, etiamsi Theologi Lutherani eam defendere non potuerint. Cum his conditionibus dicunt, se Concilium toto pectore optare, & hoc verè pium, & liberum Concilium se vocare.

PRIMA conditio est iniqua, quia nihil debet irritum haberi, nisi legitimo iudicio damnatum; Concilium autem Tridentinum est quidem accusatum ab hereticis, sed non damnatum in illo legitimo iudicio. Sicut ergo Concilium Ephesinum II. damnatum est in Concilio Chalcedonensi, & Constantinopolitanum contra imagines damnatum est in septima Synodo: ita Concilium Tridentinum si damnandum esset, deberet in alia Synodo examinari, & iudicari, non autem ante Synodi iudicium irritari.

SECUNDA conditio est etiam iniqua, ut enim Lutherani iure sibi videntur petere, ut Concilium non fiat in Italia, ubi prevalent Catholici, ita Catholici iure postulare possunt, ut non fiat in Germania, ubi prevalent Lutherani. & sane non poterat locus eligi melior, atque aptior, quam Tridentum, quod est in finibus Germaniae, & Italiæ, etiamsi Ethnici hominis iudicio quæstio ista relinqueretur.

Ad canonem autem qui est apud Cyprianum dico, intelligi eum canonē de particularibus causis, id est, de crimini bus particularium hominum, quæ debent iudicari, ubi sunt commissa, quia ibi facilius testes inueniri possunt; at de causis fidei, quæ ad totam Ecclesiam pertinent, alia ratio est. Vnde quæstio exorta Antiochiæ de legalium cessatione, Hierosolymæ in Concilio Apostolorum terminata est, Actor. 15. & heresis Ariana, exorta Alexandriæ in Ægypto, iudicata est Nicææ in Bithynia: heresis Nestorij exorta Constantinopoli, damnata est Ephesi: heresis Eutychetis nata Constantinopoli, damnata Chalcedone: hereses Origenistarum, Didymi & Euagrij, in V. Synodo iudicatae sunt apud Constantinopolim, ubi minimè natae fuerant: heresis Monothelitarum, quæ nata erat Alexandriæ, Cyro auctore, damnata est primū Romæ in Concilio S. Martini Papæ: Deinde Constantinopoli in VI. Synodo: denique heresis Iconoclastarum, quæ Constantinopoli velexorta, vel merti-

ficè aucta & confirmata fuerat, apud Nicæam Bithiniæ, & antea etiam Romæ in Concilio iudicata & damnata est. AD DE, quod habuerunt etiam Lutherani in media Germania Concilia prouincialia non pauca, ut Coloniense, Moguntinum, & alia, in quibus damnati sunt. Neque obiicere debent aduersarij, ista Concilia Papistarum fuisse; idem enim omnes hæretici obiicere potuissent. semper enim in Ecclesia il seruatum est, ut controuersias iudicarent Episcopi, qui tunc erant, & non propter nouas quæstiones noui crearentur Episcopi.

TERTIA conditio iniqua est, quia Romanus Pontifex non potest priuati iure suo indicendi Concilia, & eis prædendi, in cuius possessione iam fuit per M.D. annos, nisi prius in legitimo iudicio conuincatur, non esse summus Pontifex. Quod verò dicunt, non debere eundem esse iudicem, & partem; dico habere locum in priuatis hominibus, non in Principe supremo; Princeps enim supremus donec non declaratur, vel iudicatur legitimè excidisse à principatu, semper est summus Iudex, etiamsi cum ipso litigetur.

Itaque solent priuati, qui cum principe suo litigant, interdum appellare ab ipso principe male informato, ad eundem melius informandum, & confirmatur hoc ex antiqui historiis; nam cum Marcellinus peccasset, & propter ipsum Concilium congregatum fuisse, Episcopi omnes dixerunt, eum non posse ab illo damnari, sed ipsum debere esse iudicem & reum, ut refert Nicolaus I. in epist. ad Michaëlem. Item Sextus III. cum accusaretur de adulterio, Concilium congregauit Imperator, Pontifice consentiente, sed in eo Concilio nemo ausus est Pontificis caussam discutere, nisi prius ipse dixisset, velle se ut caussa discuteretur, & si in suo arbitrio esset iudicari, vel non iudicari. id pater tum ex actis Concilij, tum ex epistola eiusdem Sixti ad Episcopos Orientis.

Denique in Concilio IIII. Romano sub Symmacho legimus, Episcopos omnes dixisse, Concilium non potuisse iure indici, nisi à Pontifice, etiamsi ipse esset, qui accusabatur. Adhæc, nonne Arius cum Alexandre de fide litigabat? & tamen in Concilio Niceno sedit Alexander, quia Episcopus erat, ut iudex. Itē in tertia Synodo præsedit iudicio Episcopali

Cyrillus,

Cyrillus, qui tamen altera pars litigantium à Nestorianis dicebatur. Ita quoq; in IV. Synodo, præsederunt Legati Leonis, cùm tamē tota caussa inter Leonem, & Diocorum ver- saretur. Accedit quod Pontifex in Concilio non est solus iu- dex, sed habet multos collegas, id est, omnes Episcopos, qui si eum conuincere possent de hæresi, possent etiam eum iu- dicare, & deponere, licet inuitum. Nihil ergo habent hæreti- ci, cur conquerantur, si Romanus Pontifex Concilio præse- dit antequam damnatus esset.

Q V A R T A conditio iniqua est, quia nō debent semel de- finita in dubium iterum reuocari, iuxta legem Martiani Im- peratoris, l. Nemo, C. de summa Trinitate, & fide Catholica. Cōstat autem in VII. Synodo generali definitum esse, tradi- tiones non scriptas esse recipiendas. Quamuis autē ista con- ditio sit iniqua, posset tamen admitti donec iterum in Sy- nodo legitimè non esset definitum, eas esse recipiendas pro verbo Dei: Hinc enim est, quod Tridentinum Concilium, antequam ad alia progrederetur, definiuit Scripturas, & tra- ditiones Apostolicas pro verbo Dei recipiendas.

Q V I N T A conditio tollit penitus formam Cōciliorum, vt supra ostendimus, & propterea nō potest fieri, vt aliquan- do ad finem controversiarum deueniatur, nisi detur locus maiori parti suffragiorum, cùm enim vtraque pars proferat Scripturarum testimonia, quomodo potest cognosci, quæ sit Concilij sententia, nisi colligantur suffragia, & plurium sententia valeat?

S E X T A conditio est iniqua, & impertinens. Iniqua, quia non debent inferiores liberati ab obedientia superiorum, nisi prius ille legitimè deponatur, vel declaretur non esse su- perior. quemadmodum iniquum esset, vt quotiescunq; fiunt comitia imperialia, Imperator deberet liberare à iuramento fidelitatis omnes Principes sibi subiectos; quod autem non sit nouum, Episcopos iuramentum obedientiæ præstare Pontifici, patet ex B. GREGORIO lib. 19. epist. 31. & ex cap. Significasti, extra de electione. Item ex Concilio Toletano XI. cap. 10. Impertinens autem, quia istud iuramentum non tollit Episcoporum libertatem, quæ in Conciliis necessaria est; iurant enim se fore obedientes summo Pontifici, quod intelligitur donec Pontifex est, & dum iubet ea, quæ secun-

dum Deum, & sacros canones iubere potest: sed non iurant se non dicturos, quod sentiunt in Concilio, vel se non de posituros eum, si haereticum esse conuincant.

SEPTIMA conditio, si intelligatur de voce propriè decisiva in forma iudicij, repugnat quintæ conditioni, & est contra formam omnium Conciliorum, ut supra ostendimus; si intelligatur impropriè, & vocetur vox decisiva, Scriptura diuina in testimonium alicuius sententiæ in medium allata, conditio est æquissima, & nunquam negata Prostantibus, immò eis ter oblata in Concilio Tridentino, nimirum sess. 13. 15. & 18.

VLTIMA conditio pro prima parte, id est, quod attinet ad saluum conductum personarum, oblata est Protestantibus, ut pater ex iisdem locis Concilij Tridentini, id est, sess. 13. 15. & 18. Pro secunda parte est proorsus inepta, & ridicula; enim ac si apertè dixissent, volumus vexari Episcopos totius Christiani orbis, & sumptus facere, ac labores maximos pati, ut ad Concilium veniant, & tamen cum venerint, nolumus quidquam statui, neque lites unquam finiri.



LIBER